

ETORLUR GIPUZKOAKO LURRA, S.A.U.
KUDEAKETA-TXOSTENA

2021eko ekitaldia

Etorlur Gipuzkoako Lurra SA, 1990eko apirilaren 25ean eratu zen Urnieta Lantzen, SA izenarekin. Bere helbide soziala eta fiskala Gipuzkoako Foru Aldundiaren Jauregian du (Donostiako Gipuzkoa Plaza z/g) eta lantokia, Hernaniko Ibaiondo Poligonoa 27-1. solairuan (1.2, 1.3 eta 1.7 bulegoak).

2021eko itxieran, bere kapital soziala 21.604.392 eurokoa da, berdinak eta zatiezinak diren 6 euroko balio nominala duten 3.600.732 akzio izendunetan ordezkaturak, guztiz harpidetuak eta ordainduak daudenak eta bere titulartasuna osoki Gipuzkoako Foru Aldundiari dagokio. Sozietatea, Ekonomia Sustapeneko, Turismoko eta Landa Inguruneko departamentura adskribatuta dago.

Sozietateak bederatzi pertsona ditu plantillan, denak zuzenean Sozietateak kontratatuta.


Legealdi berriarekin (2019ko maiatzaren 26an egin ziren foru eta udal hauteskundeak emaitzen ondorioz sortutako foru talde berria sartu eta gero), Gipuzkoako Foru Aldundiko 2020-2023 epealdirako Plan Estrategikoa lantzen hasten da. Bertan, landa eremuetan dinamismo eta ekintzak bultzatzeko **Landagipuzkoa Programa** aurreikusten da.

Gipuzkoako landa eremuetan eta herri txikietan dagoen desorekari aurre egiteko sortutako egitasmo honetan, Sozietateak hainbat ataletan parte hartzen du, hala nola banda zabal ultra-azkarra edo baserri bideak ataletan.

Era berean, Sozietateak **mendi-larreen kudeaketaren** hobekuntzan eragina izan dezaketen dinamika berriak erakartzen jarraitzen du eta baita lehen sektoreko **lur eskaintza eta eskariaren bitartekaritza lanetan** ere.

Guzti horretaz gain, "**Aktiboaren kudeaketa**" lan-ildoarekin jarraitzen du, hau da, alokairu politikarekin eta bere jabegokoak diren lurrei irtenbidea bilatzen.

2021eko ekitaldirako, Gipuzkoako Foru Aldundiko Ekonomia Sustapeneko, Turismoko eta Landa Inguruneko departamentuak Sozietateari egiten dio 745.000 €ko diru ekarpena. Ekarpene horren xedea da sozietatearen funtzionamendu-gastuak finantzatzea.



▪ 2021. URTEAN ZEHAR GAUZATUTAKO EKINTZA NAGUSIAK

a) Landagipuzkoa Programa

2020-2023 epealdirako Gipuzkoako Foru Aldundiak prestatutako Kudeaketa Plan Estrategikoan jasotzen den egitasmoa; helburu duena, lurralde oreka eta udal eta eskualdeetako hiri, landa eta ingurumen garapena sendotzea. Irisgarritasuna ahalbidetzeko mugikortasun sistema bat finkatzea eta gure landa-ondarea, ondare naturala eta ingurumen-ondarea lehengoratzeko, kontserbatzeko eta sustatzeko ekintzak eta proiektuak sustatzea bilatzen duena, horiek guztiak funtsezkoak baitira Lurraldeen etorkizunarekiko belaunaldi arteko konpromisoan.

Sozietateak hainbat lan-ildotan parte hartzen du, hola nola, Banda Zabal Ultra-azkarra edo Baserri Bideak ataletan.

Landagipuzkoa programaren barruan, garrantzi berezia du Agenda Digital+ delakoak Gipuzkoako landa-eremuetako udalerrientzat; izan ere, **Banda Zabal Ultra-azkarra** hedatzeak gizarteratzea eta lehiakortasuna sustatzeko duen garrantzia azpimarratzen du.

Gipuzkoako Foru Aldundiak 2023. urterako helburutzat hartu du Gipuzkoako Lurralde Historikoko landa eremuko unitate higiezin sakabanatu guztiak konektatuta egotea edo Banda Zabal Ultra-azkarreko sare batera konektatzeko aukera izatea, hiri-inguruneko baldintza berberetan.

2015-2019 legegintzaldian, sakon landu da Banda Zabal Ultra-azkarra hedatzea, arrakastaz betez, Gipuzkoako 2.500 biztanle baino gutxiagoko udalerrietan herriguneetatik 0 eta 2.000 metro bitarteko erradioan kokatuta dauden unitate higiezin sakabanatuetara Banda Zabal Ultra-azkarra hedatzeko diru laguntzen 2018ko deialdia. Deialdi honi esker, 2.500 biztanletik beherako 48 udalerritako 2.000 unitate higiezin sakabanatu inguruk dute jada Banda Zabal Ultra-azkarra.

Gainera, Diputatuen Kontseiluko 2020ko abenduaren 15eko bileran erabaki da, Gipuzkoako Lurralde Historikoko 2.500 biztanle baino gutxiagoko udalerrietan hirigunetik aparte eta sakabanatuta dauden unitate higiezinetera, Banda Zabal Ultra-azkarra hedatzeko dirulaguntzak emateko oinarri arautzaileak eta 2021eko deialdia onartzea.

Horretaz gain, 2.500 biztanletik gorako udalekin akordioak ixten ari dira, Diputatu Kontseiluak laguntzen hirugarren deialdiaren oinarriak onar ditzan, 2.500 biztanletik gorako udalerrietako sakabanatutako unitate higiezinetera Banda Zabal Ultra-azkarra zabaltzeko.

Sozietatea, datu bilketa, azterketa eta irudikatze lana egiten ari da Banda Zabal Ultra-azkarraren hedaturari buruz Lurraldeko hainbat udalerritan, programaren exekuzioan aurrera egin ahal izateko.

Helburua da etorkizuna eraikitzea ekonomia, gizarte eta lurralde kohesioaren gainean, lurraldeko 88 udalerriak Gipuzkoa digitalera gehituz.

Landa bideen hobekuntzari buruz esan, Diputatuen Kontseiluak 2021eko otsailaren 16ko bileran erabaki duela, Gipuzkoako Lurralde Historikoko landa bideetarako diru laguntzen oinarri arautzaileak eta 2021eko deialdia onartzea, landa ingurunean bizi direnen bizi-kalitatea hobetzeko eta lehenengo sektorearen garapena sustatzeko helburuarekin, hainbat zerbitzu eskura ditzaten, irisgarritasuna eta, oro har, garraioa hobetuz eta nekazaritzako azalerak hobeto ustiatzeko aukera emanez.

2021eko maiatzaren 19an, Gipuzkoako Aldizkari Ofizialean publikatu da deialdi honen ebazpena.

Sozietateak, Ekonomia Sustapeneko, Turismoko eta Landa Inguruneko departamentuarekin batera diru-laguntza horren kudeaketan lan egin du; udalei informazioa emanez, jasotako eskaera anitzak aztertuz (eskatutako baldintzak betetzen diren edo zuzendu behar diren begiraturaz), eta azkenik exekutututako obra guztiak bisitatu, obraren exekuzioa egokija izan dela egiaztatzeko, ondoren dagokion diru-laguntza ordaintzeko.


b) Landa garapena

Sozietatea gaur egun Ekonomia Sustapeneko, Turismoko eta Landa Inguruneko departamentura adskribatuta dago eta xede du *Gipuzkoako Lurralde Historikoko nekazaritzako lurra eskuratzea eta kudeatzea eta Gipuzkoako Foru Aldundiaren berezko bitartekoaren eta zerbitzu teknikoaren izaera du, eta hark kontratuak mandatu eta esleitu diezazkiok.*

Jarduera ildo honetan, Gipuzkoako mendi-larreen kudeaketaren hobekuntzan eragina duten dinamika berriak ahalbidetzen jarraitzen du Sozietateak. Sozietatearen plantillan larreak kudeatzeko bi teknikari dinamizatzaile sartzearekin, Sozietateak, beharrezko diren baliabideak ditu, parte hartzen duten agente guztien elkarlana eta koordinazioa sustatzeko. Helburua da, landa ingurunea bultzatzea kudeaketa jasangarri baten bidez.

Zentzu honetan, 2020 urtean Gipuzkoako Foru Aldundiak **Goilarre Programa** jartzen du martxan, Gipuzkoako Lurralde Historikoko mendi publikoetako larreetan hobekuntzak egiteko, abeltzainen, Udalen eta Aldundiaren arteko lankidetzan oinarrituta. Egin beharreko inbertsioak Gipuzkoako Foru Aldundiaren (Sozietatearen laguntzarekin), Udalen eta abeltzainen artean adosten dira, eta inbertsio hauen finantzaketa Gipuzkoako Foru Aldundiaren eta dagokion Udalaren artean banatzen da.

Sozietatea da mendi bakoitzean dauden hobekuntza beharrak aztertzen dituen; itxituren egoera, uren bilketa eta banaketa, mendi larreetara eta txaboletara heltzeko pisten egoera eta abarri buruzko ezagutza izanik, eta mendi bakoitzean dagoen azienta kopurua kontutan izanik (larreen azalerarekin bat datorren baloratzeko). Azken batean, egin beharreko hobekuntzak identifikatzen laguntzen du, inbertsio-plana prestatzeko. Dinamizazioa eta koordinazioa Aldundia eta Sozietatearen bidez egiten da.



Sozietateak, onura publikoko mendietako larreak kudeatzen laguntzeaz gain, mendi pribatuetan ere laguntzen du. 2017 eta 2018 urteetan zehar, eta **Hernio-Gazume eta Berastegiko Gorosmendi-Ipuliño** eremuetako larreen hobekuntza lanak gauzatu eta larre horietan interesatuta dauden abeltzainen esku jartzeko helburuarekin, Sozietateak, eremu horietako lur-jabeekin hainbat kontratu pribatu sinatu ditu.

2019ko otsailaren 28an Berastegiko Abeltzainen Elkarte eta 2019ko uztailaren 2an Hernio-Gazumeko Abeltzainen Elkarte eratzten dira, ganaduaren erabilera egoki batekin bertako larreak mantentzeko helburuarekin.

2020 ekitaldian zehar, Berastegiko Gorosmendi-Ipuliño lurretan sastrakak kentzea eta itxitura konpontzeak exekutatzeko dira. Hobekuntza lan hauek, Sozietateak koordinatzen ditu baina ordainketa Gipuzkoako Foru Aldundiak eta Berastegiko Udalak egiten du Goilarre programaren bidez.

Ildo beretik, 2021ean, Berastegiko Gorosmendi-Ipuliño lursailetan larreak hobetzeko, abereak maneiatzeko harrapalekuak eraikitzeko eta itxitura berriak eraikitzeko lanak egin dira.

Hernio-Gazumeko lurretan berriz, 2020an, zundaketa bat egiten da eta sakoneran dagoen ura aurkitu, depositu batera atera eta aska batera eramaten da; eremu horietako belar-sastrakak garbitu edo erretzeaz gain, beharrezkoa delako ura izatea ganadua sartu ahal izateko.

2021ean, Hernio-Gazumeko lurretan, agindutako erreketak egin dira abeltzaintza-eremuak hobetzeko, eta iturriak eta ur-hartuneak konpontzeko lanak ere egin dira.

Mantentze-lan horien guztien helburua larreen aprobetxamendua hobetzea da.

Bestalde aipatu, 2010eko apirilaren 23an Sozietatea eta Bidegi Gipuzkoako Azpiegituren Agentzia-Agencia Guipuzcoana de Infraestructuras, S.A.-ren artean sinatutako hitzarmenaren arabera, Sozietateak hasera ematen diela Urnietako **Arizmendi agroaldearen** egokitzapen lanei. Gipuzkoako Foru Aldundiaren lursailak dira, 2010eko urtarrilean, 30 urteko iraupena duen usufuktu eskubidean Sozietateari laga zitzaizkionak. Behin egokitzapen lanak bukatuta, bost partzela erresultanteak alokairuan uzten dira, baratze-ustiapenera bideratzeko asmoz. 2021 ekitaldiaren itxieran, bost partzelak alokatuta daude.

Gainera, Gipuzkoako Foru Aldundiaren baliabide propio eta zerbitzu tekniko gisa, sozietatea lankidetzan aritu da Ekonomia Sustapeneko, Turismoko eta Landa Ingurune departamentuarekin, txostenak egiten. Horrela, 2020. urtearen amaieratik gaurdaino, sozietateak 130 txosten inguru egin ditu, lurzoru urbanizaezineko baimenen eta lizentzien arloko jarduketak koordinatzeari buruzko azaroaren 24ko 82/1998 Foru Dekretua aplikatuz. Halaber, 2018ko erdialdetik, aipatutako departamentuak eskatuta, sozietateak 70 hirigintza-espedito inguru aztertu ditu (batez ere, Hiri Antolamenduko Plan Orokorren berrikuspenak edo aldaketa puntualak), Lurraldearen balio estrategiko handiko lurzoruetan duten eragina aztertzeko, **Euskal Autonomia Erkidegoko Lurzoruari eta Hirigintzari buruzko ekainaren 30eko 2/2006** Legean aurreikusitakoaren arabera, eta eragin hori zegoen kasuetan Nekazaritzaren Sektoreko Eragina Ebaluatzeko nahitaezko Protokoloa egin du.

Txosten horien prestaketan lortutako ezagutza dela eta, Sozietatea lankidetzan aritu da **Ekonomia Sustapeneko, Turismoko eta Landa Inguruneko departamentuarekin hainbat arauzko dokumentu idazten**, hala nola **Gipuzkoako Lurralde Historikoko Nekazaritza Lurren Funtza arautzen duen Foru Dekretua** edo **Ekonomia Sustapeneko, Turismoko eta Landa Inguruneko departamentuak aurretiko txostenak egitea arautzen duen Foru Dekretua, 177/2014 Dekretuan xedatutakoaren arabera, lurzoru urbanizaezinean nekazaritza-jarduerari lotutako eraikin berriak ezartzeari dagokionez.**

Sozietateak departamentuarekin elkarlanean jarraituko du, jasotzen diren espediente guztiei erantzuteko.

Azkenik aipatu, Gipuzkoako Foru Aldundiak, Gipuzkoako **landa inguruneko lursailak digitalizatzeari** ekin diola, eta lursailak GPS bidez georeferentziaztea ahalbidetuko duela.

Horretarako, Ekonomia Sustapeneko, Turismoko eta Landa Inguruneko departamentuak 2021eko ekainaren 17ko Gipuzkoako Aldizkari Ofizialean argitaratu du Gipuzkoako Lurralde Historikoko landa-lurzoruaren lursailak mugatzeko Udalei zuzendutako dirulaguntzen oinarri arautzaileak eta 2021eko deialdia.

Laguntza hauen xedea da Gipuzkoako Lurralde Historikoko udalerriko landa-inguruneko jabetzen mugak hobeto definitzen eta eguneratzen laguntzea, dauden mugak eta mugarriak identifikatuz eta horien kartografia digitala eginez.


Urteroko laguntza horien bidez, Gipuzkoako Foru Aldundiak 10 urteko epean Gipuzkoako landa-lur guztien kokapenak GPS bidez georeferentziaztuta egotea lortu nahi du. Horretarako, Foru Aldundiak urtero egingo du Udalantzako diru-laguntzen deialdia, katastroko informazioa jasoko da herri bakoitzeko lurren datuak eta propietateak identifikatzeko eta lantalde bat sortuko da, lanak egiteaz arduratuko den empresa, Udala eta Foru Aldundiaren artean (Sozietatearen laguntzarekin).

Deialdi honen ebazpena, Gipuzkoako Aldizkari Ofizialean argitaratu da 2021eko abuztuaren 6an.

c) Sozietatearen aktiboaren kudeaketa

Sozietatearen aktiboaren kudeaketari buruz esan, Sozietatea ildo hau bultzatzeko beharrezkoak diren ekintzak burutzen ari dela.

Sozietateak alokatuta izan ditu, **Hernaniko Orbegozo** eraikineko bulego denak, behe solairuko bi merkataritza lokalak eta hamar garajeetatik bi.



2021eko maiatzaren amaieran Orbegozo bulego-eraikineko laugarren solairuko bulegoen sozietate errentariak kontratua eten badu ere, ekainaren 1ean beste kontratu bat sinatu da beste sozietate batekin, eta bertan subrogatzen dira klausula eta baldintza berberak

Gainera, 2021eko irailean, beheko solairuko 2. lokalaren errentamendu-kontratua sinatu da, 10 urtekoa, eta lokal hori bulego gisa erabiltzeko egokitzeko obrak egin dira.

Hernaniko Orbegozo eraikineko bulego, lokal eta garajeen errentamenduagatiko diru-sarrerak 180.262,52 €koak dira, eta bere gain hartutako gastuak 133.821,99 €koak

Urte amaieran, 2.3, 2.4 eta 2.7 bulegoen eta Orbegozo eraikineko 1. eta 2. garajeen erabilera doan lagatzeko kontratua sinatu dute Sozietateak eta Gipuzkoako Foru Aldundiak.

Alokairu politikarekin jarraituz, eta etxebizitzetara dagokienez, **Beizaman** duen etxebizitza bakarra urte osoan zehar alokatuta egon da.

Etxebizitzaren errentamenduagatiko diru-sarrerak 5.585,76 €dira, eta bere gain hartutako gastuak 4.499,16 €.

Nuarbeko (Azpeitia) hiru etxebizitzetara dagokienez, 2018ko martxoaren 22an egindako Administrazio Kontseiluaren bilkuran erabaki zen Nuarbeko etxebizitzak salmentara bideratzea. 2021eko abenduaren 31ko egoera balantzean, etxebizitzaren balio eguneratua izakin bezala jasotzen da.

Hiru etxebizitzaren salmenta errazteko, arotzeriako lanak egin dira eta sukaldeak berritu dira 20.728,61 €-ko kostuarekin.

La Floridako lurzoruari dagokionez, 2015eko ekainaren 23an eskritura publikora goratzen da 2014ko otsailaren 3an Sozietateak eta Hernaniko Udalak sinatutako “Lankidetzarako hirigintza-hitzarmena”. Ekitaldi berean, aipatutako Hitzarmenean jasotzen diren obligazioak formalizatzen eta betetzen dira.

Alde batetik, Sozietateak Hernaniko Udalaren alde, “Landare Toki” finakaren gozamen-eskubide erreal bat eratzen du 30 urtetarako.

Bestalde, Sozietateak konpromisoa hartzen du Hernaniko Udalari emateko babes ofizialeko lau etxebizitza (berauen balioa ez da 527.309 euro baino gutxiagokoa izango) eta 327.400 eurotan balioetsitako 600 m² lokal bat. Babes ofizialeko lau etxebizitzak entregatuko direla ziurtatzeko, sozietateak 527.309 eurotako banku-abal bat eratzen du.

Gozamen-eskubide horren sinadurarekin eta goian aipatutako higiezinak ematearekin, Hernaniko Udalak, Sozietateak Ibaiondoko lurzati eraikigarriaren erosketagatik (1.049.020 euro) eta aipatutako eremuaren aprobetxamenduaren %10agatik (527.309 euro) zeuzkan zorrak konpentsatuzat ematen ditu.

2015eko ekainaren 12an Hiri-Antolamenduko Plan Bereziaren behin betiko aprobazioa publikatzen da, non jasotzen den etxebizitzaren %100 babes publikokoak izatera pasatzen dela (hasiera batean etxebizitzaren %60 libreak ziren) eta non definitzen den Hernaniko (HI) FL08-La Florida arearen hirigintza-araubidea.

Halaber, 2016ko ekainaren 27an, Sozietateak Hernaniko La Florida (HI) areako Hirigintzako Jarduketa Programa (HJP), Adostasun-Hitzarmena, Adostasun-Batzordea, Birpartzelazio-Proiektua eta Hirigintza-Proiektua idazteko zerbitzuak, aldi baterako enpresa elkarte osatzen duten Arkigest Estudioa, SL eta Asmatu, SLP-ri esleitzen dizkio. 2018 ekitaldian, Arkigest Estudioa, SL eta Asmatu, SLP enpresek (ABEE La Florida) Hirigintzako Jarduketa Programa idazten dute, 2019ko maiatzaren 13an Hernaniko Udaleko Tokiko Gobernu Batzarrak Urbanizatzeko Jarduketa Programaren hasierako onarpena adosten du, 2019ko irailaren 26an dokumentu hau behin betiko onartzen da eta 2019ko azaroaren 25ean GAO n argitaratzen da.

“U.E. La Florida” gauzatze unitatearen plangintzan ezarritako jarduketa sistema, itun sistema da. Ondorioz, 2020ko urriaren 23an Ituntze Hitzarmena sinatzen da Hernaniko Udalarekin eta 2020ko abenduaren 4an, notario aurrean, “U.E. La Florida” Ituntze Batzordea eratzen da.

2021eko urrian, La Florida UE eraikineko Kontzertazio Batzordea Gipuzkoako Hirigintza Erakunde Laguntzaileen Erregistroan inskribatu da, eta 2021eko azaroan inskripzio hori Gipuzkoako Aldizkari Ofizialean argitaratu da.

Urbanizazio Proiektuari dagokionez, 2021eko urrian Hernaniko Udalean aurkeztu da, eta une honetan Udalak hasierako onarpena emateko zain dago.

2021 ekitaldian, La Floridako lurzoruak Sozietateari suposatu dion kostua 33.448,81 €koa izan da, eta zenbateko horren arabera izakinen balioa handituko da.

Azkoitiko “Intsausti” A.U.13 eremuan sartutako lurzorua ere, Sozietatearen aktiboa da. Gaur egun, sozietatea parte-hartzen ari da Azkoitiko Udala burutzen ari den hirigintza-garapen programan.

Honela, 2019ko maiatzaren 17an ospatutako Hitzarmen Batzordearen Batzarrean, Azkoitiko Insausti U.E.13.1 Unitatearen Birpartzelazio-Proiektuaren lehen onarpena ematen da eta epe motzean, behin-behineko onarpena izatea espero da.

2021ean, Azkoitiko Insaustiko lurzoruak 5.376,83 euroko kostua bere gain hartzea ekarri dio Sozietateari. Beraz, izakinen balioa ere handitu egin da zenbateko horretan.

Azkenik, aipatu behar da 2021ean, Ekonomia Sustapeneko, Turismoko eta Landa Ingurunekeo departamentuak eskatuta, Sozietatea arduratu dela, koiunturalki, **Gipuzkoako Parketxe Sarea Fundazioaren** administrazio-kudeaketaz.

▪ **IKERKUNTZA ETA GARAPEN ARLOAN GAUZATUTAKO JARDUERAK**


2021 ekitaldian zehar alor hauetan ez da ekintzarik gauzatu.

▪ **AKZIO PROPIOAK**

Ekitaldian zehar, Sozietateak inoiz ez ditu bere akzioak erosi edo eduki.

▪ **ITXIERAREN ONDORENGO GERTAERAK**

Ekitaldia itxi ostean, ez da gertaera ekonomiko-finantzario nabarmenik izan, bere garrantziagatik sozietatearen egoera finantzario edo egoera orokorrean eragin nabarmena izan lezakeenik.



JABIER LARRAÑAGA GARMENDIA jaunak eta SEGUNDO DÍEZ MOLINERO jaunak, ETORLUR GIPUZKOAKO LURRA, SAU sozietateko lehendakari eta idazkari gisa, hurrenez hurren, adierazten dute beren sinadurak Sozietate horren urteko kontuak eta kudeaketa-txostena (2021eko ekitaldikoak) osatzen dituzten orrialde guztietan estanpatu dituztela.

Era berean, gainerako administratzaileak ados daude aipatutako urteko kontuen eta kudeaketa-txostenaren formulazioarekin. Horregatik sinatu dute dokumentu hau.

Izp.: Jabier Larrañaga Garmendia Jna.
N.A.N.: 72.443.747-W

Izp.: Xabier Arruti Olazabal Jna.
N.A.N.: 84.090.786-W

Izp.: Aranzazu Ariztimuño Larraza And.
N.A.N.: 33.448.893-Q

Izp.: Joseba Iñaki Labaka Beristain Jna.
N.A.N.: 34.088.514-F

Izp.: Miguel Angel Crespo Rico Jna.
N.A.N.: 15.935.504-T

Izp.: Mónica Pedreira Lanchas And.
N.A.N.: 44.135.382-S

Izp.: María Teresa Arana Pérez And.
N.A.N.: 20.169.571-C

Izp.: Peio Gascón Arambillet Jna.
N.A.N.: 15.251.288-B

Izp.: Joseba Imanol Serón Egurza Jna.
N.A.N.: 15.963.064-Y

Izp.: José Miguel Ochoteco Aguirre Jna.
N.A.N.: 15.232.454-Z

Izp.: Rafael Uribarren Axpe Jna.
N.A.N.: 15.344.634-T

Donostian, 2022ko martxoaren 25a.

